



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Origines Benedictinae, Siue Illvstrivm Coenobiorvm Ord.
S. Benedicti, Nigrorvm Monachorvm, Per Italiam,
Hispaniam, Galliam, Germaniam, Poloniam, Belgium,
Britanniam, aliasque Prouincias. Exordia Ac ...**

Le Mire, Aubert

Coloniae Agrippinae, 1614

Capvt XIII.

urn:nbn:de:hbz:466:1-11261

sessionem suam in pago Metensi cum Salina, quæ vulgò dicitur patella salis, cum omni integritate teneant atque possideant cum terris, domibus, ædificijs, mancipijs, siluis, pratis, pascuis, salinis, Ecclesijs & altaribus, habeant atque possideant, & teneant. Hoc quoque auctoritate S. Trinitatis, & inseparabilis vnitatis, vitæ B. Petri Apostoli, coram Rege Clotario, & omnibus plebeijs Francorum, scilicet Archiepiscoporum, Episcoporum, Iudicum, & omni populo Christianorum, Romanorum Principum decernimus, ut nullus Regum, Antistitum, Iudicum, terras S. Mariæ, & Domini Medardi, siue Ecclesias vel altaria, thelonea, decimas, nonas, banna vel freda exigat, &c. Datum in Ecclesia S. Siluestri quinto Idus Martij anno Dominicæ Incarnationis D. LXII. Edict. X.

Insignem profectò antiquitatem præfert hoc priuilegium, sed dubito an numerus annorum Christi non sit adiectus per recentiorem manum.

CAPVT. XIII.

Aganense & Luxoniense monasteria.

Aganense S. Mauritij monasterium Abbatiale, apud Sabados ex Chablais, fundauit B. Sigismundus Burgundiæ Rex circa annum 600. ibidem sepultum. Est id situm ad radices montis D. Bernardi.

Est autem S. Mauritius hodie Patronus ac
tutor

tutor Sabandiae: à quo & ordo apud Sabandos Equestris nomen induit. Fuit is martyrio coronatus circa annum 298. sub Imp. Maximiano, cum esset Thebæ legionis caput ac præfectus.

Luxouium, in Comitatu Burgundia.

Sanctum Columbanum Abbatem anno 602. ex Hibernia in Burgundiam venisse, ibique Theoderico Rege permittente, Lugoniense monasterium inchoasse, tradit Sigebertus in Chronico.

Pulso postmodum, per Theodericum Regem, è Francia Columbano, B. Eustasius eius discipulus Luxouienti cœnobio summa cum laude præfuit.

Est autem Lugonium hodieque illustre monasterium, eiusdem nominis opido, in Burgundiæ Comitatu inclusum, quod *Lugeul* vulgò nuncupant. Fuit hoc olim monasterium quoddam quasi Apostolicorum, per Galliam virorum seminarium, ex quo summi illi viri *Andomarus* Morinensis, *Aicharius* Nouiomensis ac Tornacensis, *Chagnoaldus* Lugdunensis, *Ragnarius* Augustodunensis Episcopi, *Bertinus* Abbas Sithiensis, aliique plurimi prodierunt.

Ab eodem monasterio olim congregatio reformata Luxouientis nomen habuit.

Bobiense monasterium, in Italia.

Huius auctor fuit S. Columbanus, patria Hibernus, qui & Luxouientis in Burgundia

Gundia, vt dixi, cœnobium excitauit. De quo sic Sigebertus in Chronico:

Sanctus Columbanus à Theoderico, Regē, instinctu Brunichildis auia, expellitur Franciā; qui post, relicto Gallo discipulo suo in Alemannia, cœnobium Bobium construxit in Italia.

Ceterum B. Columbanus paullo post Eustasium, monachum & discipulum suum, ex Italia in Galliam remisit, qui vnā eum S. Vualerico, B. Columbanī pariter discipulo, Luxouiese monasterium laicis ademūt, & monasticam ibi disciplinam instaurauit. Consule Ionam in Vita S. Columbanī, & Acta S. Vualerici apud Surium.

S. Columbano Anno 622. iuxta Sigebertum in Chronico, aut anno 615. iuxta Baronium, defuncto, successit in regimine Bobiensis monasterij Attala.

CAPVT XIV.

S. Maximini monasterium, extra muros vrbs Treuerensis.

S Maximini potentissima vetustissimaque Abbatia, extra vrbs Treuericæ Nigram vel Martiam portam, in ipso campo Martio, à regione cœnobij S. Mariæ ad Martyres, prope S. Paulini olim cœnobium, nunc verò Canoniorum sæcularium collegium sita, ex

D

regio